

K. no. 1098

大宋新譯三藏聖教序

御製

鍾

大矣哉我佛之教也化導群迷闡揚
宗性廣博宏辯英彥莫能究其旨精
微妙說庸愚豈可度其源義理幽玄
真空莫測包括萬象譬喻無垠綜法
網之紀綱演無際之正教拔四生於
苦海譯三藏之祕言天地變化乎陰
陽日月盈虧乎寒暑大則說諸善惡
細則比於恒沙含識萬端弗可盡述
若窺像法如影隨形離六情以長存
歷千劫而可久須彌納藏於芥子如
來坦蕩於無邊達磨西來法傳東土
宣揚妙理順從指歸彼岸菩提愛河
生滅用行於五濁惡趣極溺於三業
途中經垂世以難窮道無私而永泰
雪山貝葉若銀臺之耀目歲月煙蘿
起香界之自遠巍巍罕測杳杳難名
所以道資十聖德被三賢至道起於
乾元衆妙生乎太易惣繁形類竅鑿
昏明絕彼是非開茲蒙昧有西域法
師天息災等常持四忍早悟三乘翻

貝葉之真詮續人天之聖教芳猷重
啓運偶昌時潤五聲於文章暢四始
於風律堂堂容止穆穆輝華曠劫而
昏墊重明玄門昭顯軌範而弘光妙
法淨界騰音利益有情俱登覺岸無
成障礙救諸疲羸冥昧慈悲浩汙物
表柔伏貪猥啓瘳昏愚演小乘聲聞
合其儀論大乘正覺並其性含靈悟
而蒙福藏教缺而重興幻化迷途火
宅深喻雖設其教不知者多善念生
而無量潛臻惡業興而隨緣皆墮調
御四衆積行十方澍花雨於金輪護
恒沙於玉闕有頂之風不可壞無際
之水弗能漂澄寂湛然圓明清淨之
智慧性空無染妄想解脫之因緣可
以離煩惱於心田可以得清涼於宇
宙朕慙非博學釋典微聞豈堪序文
以示來者如縻縵燭火不足比之於
皎日將微盡量海未能窮盡於深淵
者哉

分別善惡報應經卷上

西京印慶慈願國師密學寺藏明教師馬崇法門巨卷卷上

如是我聞一時世尊在舍衛國祇樹

分別善惡報應經卷上

第三

鍾

給孤獨園余時世尊食時著衣持鉢
入舍衛城次第乞食至兜你野子輸
迦長者舍在門外立是時輸迦長者
家有一犬名曰商佉常在門首於是
長者常用銅器盛以美飯與商佉食
犬見世尊瞋恚而吠余時世尊謂商
佉法言汝由未悟見我乃吠作是語時
商佉轉惡心生瞋恨即離本處往旃
檀座下是時輸迦長者出舍門外見
犬在於旃檀座下長者問言誰瞋於
汝商佉默然於是時輸迦長者又復問
言賢子誰人瞋汝商佉對曰沙門瞿
曇而來在此於門下立我見乃吠彼
沙門瞿曇作如是言汝由未悟今乃
更吠我聞此語心生瞋怒起離本處
來旃檀座下是時輸迦聞是語已發
大瞋怒出舍衛城往彼祇樹給孤獨
園余時世尊與無量百千諸比丘衆
前後圍遶在座說法於是世尊遙見
輸迦長者遠路而來告諸比丘汝等
見此輸迦長者遠來已不諸比丘言
唯然已見世尊告言此長者子向於
佛所而發瞋心命終之後如箭刺那

分別善惡報應經卷上 第三

鍾

墮大地獄何以故虛妄計執分別彼我起瞋煩惱毀謗於佛墮諸惡趣受苦無量又復於我心生輕謗一切衆生亦復如是

尔時世尊告諸比丘而說頌曰

於佛起惡心毀謗生輕慢入大地獄中受苦無窮盡有諸數取趣於師及比丘暫時起惡心命終墮地獄苦於如來處起大瞋恨心皆墮惡道中輪迴恒受苦是時梵你野子來詣佛所頂禮佛足於世尊前種種語言柔和善順稱歎如來說是語已在一面立而白佛言世尊以何因緣到於我舍佛告輪迦長者言食時已至吾乃著衣持鉢入舍衛城次第乞食遂至汝舍在門下立是時商估處於門首銅器之內飲食之次商估見吾在門下立纔見乃吠我言商估汝由未悟何故見吠犬聞是語遂生瞋怒往詣別處是時長者白世尊言此犬商估過去宿因不知云何願佛演說佛言且止勿問斯事汝若聞此倍生懊惱不可忍矣輪迦長者如是三請白佛言世尊唯願爲

分別善惡報應經卷上

第四品

總

我演說斯事我等樂聞尔時世尊告長者言汝今諦聽善思念之吾今爲汝分別演說此犬汝父梵你野身於過去生妄計此身無我計我慳貪嫉妬不行惠施貪惜財物不信三寶墮畜生中今犬商估是長者父輪迦長者復白世尊我父梵你野在生之日常行布施祭祀火天及諸鬼神彼身決定得生梵天受大富樂何故復墮畜類之中此事難信佛告長者言汝父梵你野由是分別妄生計執不行惠捨不信三寶以此因緣墮此類中復告長者吾今所說恐汝難信當自還家問於商估是時長者辭佛歸家到已告言商估汝實我父是梵你野此犬却坐栴檀之座長者復言商估實是我父梵你野不可就銅盤食此肉鉢商估即食食已又復告言若實我父是梵你野當何所表爲顯奇異於時商估聞是語已從座而起詣本住處於栴檀座下以鼻嗅地以足攪出四大鐵甕滿中盛金瓶盤雜器是時輪迦長者見此希奇金銀珍寶踊

分別善惡報應經卷上

第五品

總

躍歡喜愛護覆藏於是長者出舍衛城往詣佛所一心歸依尔時世尊與無量百千比丘衆等在座說法於是世尊告諸比丘汝見梵你野子鸚鵡長者遠來已不諸比丘言唯然已見佛告比丘今此長者身謝命終如捨重擔往生天上因於我所歡喜踊躍發誠諦心獲報如是尔時世尊告諸比丘而說頌曰

此一數取趣發心見我喜命終往生天如捨於重擔若於說法師如來及比丘暫時心歡喜獲果亦如是

尔時世尊說此偈已於是輪迦長者往詣佛所頭面禮足歡喜無量種種稱讚歎未曾有說是語已在一面立於是世尊告輪迦言此商估犬實是汝父長者白言唯然世尊如佛所說真實不虛所有疑惑皆悉除斷尔時輪迦長者白世尊言一切有情天壽長命有病無病端嚴醜陋貴賤種族聰明愚鈍柔和嚴厲其事非一因果善惡報應云何佛告輪迦長者子言善哉善哉汝應諦聽善思念之今爲

分別善惡報應經卷上

第六品

總

汝說一切有情作業修因善惡不等
所獲報應貴賤上下種族高低差別
亦殊我今略說如斯之事若廣分別
其義甚深是時長者重白佛言願佛
演說今時佛告長者言汝應善聽一
切有情造種種業起種種惑眾生業
有黑白果報乃分善惡黑業三塗受
報白業定感人天又業有分限命乃
短長復次補特伽羅有業多病少病
端嚴醜陋或復有業補特伽羅富貴
貧窮聰明智慧根鈍愚闇或復有業
補特伽羅生三惡趣或復有業生欲
界人天乃至有頂或復有業補特伽
羅遠遊及近或復有業補特伽羅所
求不遂或復有業不求自至或復有
業補特伽羅成就難易有成不成或
復有業補特伽羅地獄壽命圓滿中
天輕重不等或復有業補特伽羅富
貴貧窮先後不定或復有業補特伽
羅富貴貧窮布施愛樂慳吝不定或
復有業補特伽羅壽命長短於中不
定或復有業補特伽羅身心快樂苦
惱不定或復有業補特伽羅形白端嚴

光潤愛樂或復醜陋嚴盛嫌厭或復
有業補特伽羅諸根具足不具足等
今時佛告長者子言有十善業應當
修習若十惡業汝應除斷於是長者
白佛言世尊有情短命何業所獲佛
告長者子言慈生所獲復次慈業然
有十種一自手慈二勸他慈三慶快
慈四隨喜慈五懷胎慈六勸墮胎慈
七酬冤慈八斷男根慈九方便慈十
役他慈如是十種獲短命報復云何
業獲報長命有十種業何等為十一
離自手慈二離勸他慈三離慶快慈
四離隨喜慈五救刑獄慈六放生命
七施他無畏八慈恤病人九惠施飲
食十檀燈供養如是十種獲長命報
復云何業獲報多病有十種業何等
為十一自壞有情二勸他令壞三隨
喜壞四讚歎壞五不孝父母六多結
宿冤七毒心行藥八慳吝飲食九輕
慢聖賢十毀謗師法如是十種獲報
多病復云何業獲報少病有十種業
何等為十一不損有情二勸他不損
三不隨喜損四不讚歎損五離慶快

損六孝養父母七尊重師長八不結
宿冤九施僧安樂十施藥飲食如是
十種獲少病報復云何業獲報醜陋
有十種業何等為十一恒起瞋忿二
恣縱慢心三不孝父母四恒恣貪癡
五毀謗聖賢六侵奪越逼七盜佛光
明八戲弄他醜九壞佛光明十行非
梵行如是十種獲報醜陋復云何業
獲報端嚴有十種業云何十業一修
慈忍二惠施佛塔三塗掃塔寺四修
嚴精舍五莊嚴佛像六孝養父母七
信重聖賢八謙卑離慢九梵行無缺
十遠離損害如是十種獲報端嚴復
云何業獲報族卑賤有十種業云何
十種一貪愛名利不修施行二嫉妬
他榮三輕毀父母四不遵師法五譏
謗賢善六親近惡友七勸他作惡八
破壞他善九貨易經像十不信三寶
如是十種獲報卑賤復云何業得豪
族富貴有十種業何等為十一離嫉
妬慶他名利二尊重父母三信崇
師法四發菩提心五施佛傘蓋六修
嚴塔寺七懺悔惡業八廣修施行九

勸修十善十信崇三寶如是十種獲報豪貴復云何業獲人間惡報有十種業云何十種一恣縱我慢二輕慢父母三輕慢沙門四輕慢婆羅門五輕毀賢善六輕慢親族七不信因果八輕毀自身九憎嫌他人十不信三寶如是十種獲人間惡報復云何業獲人中勝報有十種業云何十種一謙卑離慢二尊重父母三尊重沙門四信崇婆羅門五愛護親族六尊重賢聖七修行十善八不輕慢補特伽羅九尊重師法十諦信三寶如是十種獲人中勝報復云何業獲報孤貧有十種業云何十種一恒行劫盜二勸他劫盜三讚歎劫盜四隨喜劫盜五毀謗父母六謗謾聖賢七障礙他施八嫉他名利九怪怪財物十輕毀三寶願常飢饉如是十種獲報孤貧復云何業獲大福德有十種業云何十種一離劫盜二離慳他非三離隨喜盜四奉養父母五信崇聖賢六慶他名利七廣行惠施八不嫉名利九不慳財寶愛恤孤貧十供養三寶如是十種獲福廣大復云何業獲報愚

是十種獲福廣大復云何業獲報愚鈍有十種業云何十業一謂此補特伽羅不信沙門亦不親近二不信婆羅門三不信師法亦非親近四隱法不傳五伺師法短六遠離正法七斷滅善法八謗毀賢智九習學非法十毀謗正見稱揚邪見如是十法獲報愚鈍復云何業獲大智慧有十種法云何十法一謂此補特伽羅親近沙門深信求法二信婆羅門三親近師法求解深義四尊重三寶五遠離愚癡六不謗師法七求於深智八傳法利生令不斷滅九遠離非法十稱揚正見離諸邪見如是十法獲大智慧復云何業獲地獄報有十種法云何十種一不善身業二不善口業三不善意業四恒起身見五恒起邊見六邪見不息七作惡不懺八姓欲邪行九毀謗聖賢十壞滅正法如是十業獲地獄報復云何業獲畜生報有十種業云何十中品惡身業二中品惡語業三中品惡意業四起種種貪五起種種瞋六起種種癡七布施

非法八禁呪厭術九毀菩薩梵行十起常邊見人死為人如是十業獲報畜生復云何業獲報餓鬼有十種業云何十業一愛惡身業二愛惡口業三愛惡意業四貪恡財物不行惠施五起大邪見謗佛因果六我慢自恃輕毀賢良七障礙他施八不恤飢渴九慳惜飲食不施佛僧十他獲名利方便離隔如是十業獲報餓鬼復云何業獲報人間有十種業何等十業一離殺生二離不與取三離非梵行四離虛誑語五離雜穢語六無離間語七離麁惡語八離飲酒食肉九離癡闇十離邪見諦信三寶修如是等十種業獲報人間復次修習何業得生欲天修十善業得生彼天復修何業得生色界修十定善得生彼天復修何業得生於彼四無色界修習三摩鉢底為因得生彼天何等為四遠離一切色作無邊空想復修彼定伏除彼障命終之後生彼空無邊處遠離塵識細識現前作無邊想伏除彼障復修彼定後生彼天遠離無所

有處障滌復修彼定後生彼天遠離彼障復修彼定命終之後得生非想非非想處復次修習何業不生無間修諸善業迴向所未決定得生諸善趣中不入無間復次修習何業感得何果若修善業感可愛果若造惡業感非愛果若遠離此善不善業愛非愛果終不可得譬如慈女商主遠行久不歸家子無由得復云何業而不得果所修惡業迴心發露省悟前非思惟嫌厭心念口言作意專注重重懺悔此業雖作而不受果善業亦然復云何業得身心圓滿修習忍辱得身相圓滿修習聞思得心圓滿此業修習必定得果復云何業修作已後而非散失若有善業已作不悔亦不嫌厭而非擾惱又非撥無不說是非而不遠離亦非躁撓作如是行此業修習終非散失定受於果復云何業而不得果修無記業不得其果復云何業補特伽羅地獄壽命而無中大此一補特伽羅作彼業已而不悔恨亦不嫌厭又不撥無心不擾惱不說

分別善惡報應經卷上

第七

經

是非又不躁撓行如此行天受當知作彼彼業補特伽羅地獄生圓滿壽命而非中天復云何業有補特伽羅處地獄中壽量不滿此一補特伽羅作彼業已而乃嫌悔煩惱自毀省悟前非遠離彼業而不躁撓行如是行此補特伽羅作彼業已地獄中生不滿壽命復云何業有補特伽羅地獄中生即便命終此一補特伽羅作彼業已嫌躁擾說言撥無解除遠離煩惱鋒利不可受樂我更不作如阿闍世王作殺父罪已悔過發露我作惡業應當自受對佛懺悔解說前非佛慈彼王令觀罪性從緣幻有了不可得故此補特伽羅處地獄中即便命終復云何業有補特伽羅先受快樂後受苦惱此一補特伽羅初行布施受樂歡喜施已心悔故此補特伽羅生在人中處上種族金銀珍寶象馬車乘悉皆具足父母妻子吏民知識圓滿無缺乃至庫藏亦復如是故得果時先受快樂後乃苦惱復云何業有補特伽羅先受貧苦後乃快

分別善惡報應經卷上

第七

經

樂此一補特伽羅由昔因時用下品心微分布施捨已不悔後乃歡喜故此補特伽羅生在人中種族卑下飲食珍寶悉皆乏少亦不自在後漸增長財物廣大乃至種種資具無有乏少故此補特伽羅後得果時先乃貧苦後受快樂復云何業有補特伽羅先受快樂後亦快樂此一補特伽羅未施歡喜正施施已歡喜三時無悔此一補特伽羅生在人中於富貴家上種族中父母妻子吏民親友圓滿具足庫藏珍寶象馬牛羊乃至園林田宅無不具足自在受用故此補特伽羅先受快樂後亦快樂復云何業有補特伽羅先無快樂後無快樂常受苦惱此一補特伽羅先無施心亦無良友勸令布施又無信心貪惜珍寶從始至終絕施纖毫故此補特伽羅若生人中處下種族貧窮困苦財寶飲食田宅資具乃至眷屬悉皆乏少先無快樂後無快樂故此補特伽羅先受苦惱後亦苦惱復云何業有補特伽羅得大富貴貪惜財物無纖

分別善惡報應經卷上

第十五

經

毫施此一補特伽羅於過去世向三寶處曾行布施不曾發願於當來世更修施行故此補特伽羅命終已後若生人間得大富貴居上種族珍寶廣大象馬奴婢牛羊田宅亦皆廣大受用自在於其財物慳惜愛護不行惠施故此補特伽羅富貴多財愛護慳貪亦無信心復云何業有補特伽羅一生貧苦愛樂布施此一補特伽羅於過去世三寶勝處曾修布施又復發願而於未來施心不斷命終之後生在人天受福往來彼後福盡又生人間貧窮愛施故此補特伽羅貧窮愛施信心不斷復云何業有補特伽羅一生貧苦又復慳貪不行少施此一補特伽羅於過去世不遇善友又復愚闇不信因果於其施度微分不修故此補特伽羅命終之後生在人間種族貧窮財物飲食日業資具一切乏少故此補特伽羅貧窮困苦不樂布施復云何業得身心快樂譬如輪王又樂作福此一補特伽羅於過去世修不殺戒施他無畏又復發

願施心不昧故此有情命終之後生在人間得身心快樂常愛惠施復云何業有補特伽羅身心快樂如極老人家務久棄不樂作福此一補特伽羅於過去世施他無畏不損有情不發勝願故此補特伽羅命終已後生在人間而得身心悉皆快樂不愛修福

分別善惡報應經卷上

乙巳歲高麗國大藏都監奉

勅雕造

分別善惡報應經卷上

七

分別善惡報應經卷下

善惡報應經卷下 藏經閣藏書 及美本 詔譯

復云何業有補特伽羅若身及心俱不快樂又不修福此一有情於過去世損惱眾生令他怖畏又無信心不發善願故此補特伽羅命終之後生在人中身心不安又多愚闇而不修施云何補特伽羅人間命短三塗命長此一補特伽羅過去修因順生善少順後惡多故此補特伽羅人中命促後生地獄鬼畜及阿素羅壽命乃長云何補特伽羅三塗命短人中命長此一補特伽羅過去修因順生惡少順後善多故此補特伽羅三塗壽短後生人中壽命乃長云何補特伽羅生在人中及三塗內壽命皆短此一補特伽羅過去修因順生順後善惡俱少故此補特伽羅人及三塗壽命皆短云何補特伽羅命盡煩惱盡云何補特伽羅煩惱乃盡壽命不盡謂預流一來不還決定性者及不決定阿羅漢人復云何業有補特伽羅惡

趣而生形色身量端嚴殊妙見者歡喜人皆愛樂此一補特伽羅於過去世修習忍行破佛淨戒墮在惡趣受異類身形色端嚴系潤具足見者歡喜復云何業有補特伽羅生惡趣中身體醜陋形色醜陋人見不悅謂此補特伽羅於過去世性多瞋怒不修忍度破佛淨戒又不發露命終已後處異類中形色醜陋身體醜陋諸根缺減臭氣充滿癡增闇昧見者不喜復次十不善業獲果云何發命為因壽量色力而非滿足偷盜所得霜雹蟲蝗飢饉水旱邪欲所獲外多塵垢妻不貞良虛妄所獲臭氣惡名人皆嫌厭離間所獲眷屬不和疾病縈纏魚惡所獲觸對硬澁果實非美雜穢所獲林木叢刺園苑荒殘貪愛所獲庫藏寡少瞋恚所獲果味辛穢容貞醜惡愚癡所獲外色不潔果實虛耗十不善業因之所得

分別善惡報應經卷下

第三

總

流播遠離塵垢因無妄語口常香潔因無離間眷屬和順遠離高下霹靂霜雹因無貪惡果味甘美遠離硬澁因無雜穢林木園苑遠離叢刺皆悉滋潤因無貪愛倉庫果實充滿具足因無瞋恚身相圓滿諸根無缺因無邪見信心不斷最上果實香美具足修十善業感果如是

復次十惡獲果有十何等為十煞生十者一冤家轉多二見者不喜三有情驚怖四恒受苦惱五常思煞業六夢見憂苦七臨終悔恨八壽命短促九心識愚昧十死墮地獄復次偷盜報有十種何等為十一結宿冤二恒疑慮三惡友隨逐四善友遠離五破佛淨戒六王法謫罰七恣縱悽逸八恒時憂惱九不自在十死入地獄復次邪欲報有十種何等為十一欲心熾盛二妻不貞良三不善增長四善法消滅五男女縱逸六資財密散七心多疑慮八遠離善友九親族不信十命終三塗復次妄語報有十種何等為十一口氣恒臭二正直遠離三

分別善惡報應經卷下

第三

總

誦曲日增四非人相近五忠言不信六智慧少七稱揚不實八誠語不發九愛論是非十身謝惡趣復次飲酒三十六過其過去一資財散失二現多疾病三因興聞誦四增長煞害五增長瞋恚六多不遂意七智慧漸寡八福德不增九福德轉減十顯露秘密十一事業不成十二多增憂苦十三諸根闇昧十四毀辱父母十五不敬沙門十六不信婆羅門十七不尊敬佛十八不敬僧法十九親近惡友二十捨離善友二十一棄捨飲食二十二形不隱密二十三淫欲熾盛二十四衆人不悅二十五多增語笑二十六父母不喜二十七眷屬嫌棄二十八受持非法二十九遠離正法三十不敬賢善三十一違犯過非三十二遠離圓寂三十三顛狂轉增三十四身心散亂三十五作惡放逸三十六身謝命終墮大地獄受苦無窮

今時佛告輪迦長者若復有人於如來塔合掌恭敬有十功德何等為十

分別善惡報應經卷下

第三

總

一貴族廣大二妙色廣大三形相廣大四四事廣大五珍財廣大六美名廣大七信根廣大八憶念廣大九智慧廣大十藝業廣大如是長者若復有人合掌恭敬如來之塔獲斯功德若復有人於如來塔合掌禮拜獲十功德何等為十一言辭柔軟二智慧超群三人天歡喜四福德廣大五賢善同居六尊貴自在七恒值諸佛八親近菩薩九命終生天十速證圓寂如是功德禮拜佛塔獲如斯報若復有人拂拭佛塔獲十功德何等為十一色相圓滿二身體臍直三音聲微妙四遠離三毒五路無葦刺六種族最上七崇貴自在八命終生天九體離垢十速證圓寂如是功德拂拭佛塔獲如斯報若復有人於如來塔布施傘蓋獲十功德何等為十一離熱惱二心不散亂三作世間主四藝業廣大五福德無量六得轉輪王七身相圓滿八遠離三塗九命終生天十速證圓寂如是功德傘蓋施佛獲如斯報若復有人於如來塔以鍾

分別善惡報應經卷下

第三張

鍾

鈴布施獲十種功德何等為十一端嚴無比二妙音適悅三聲同迦陵四言辭柔軟五見皆歡喜六得阿難多聞七尊貴自在八美名流布九往來天宮十究竟圓寂如是功德布施鍾鈴所獲勝報若復有人於如來塔布施幢幡有十功德何等為十一形容臍直長壽圓滿二世間愍重三信根堅固四孝養父母五親友眷屬皆悉廣大六美名稱讚七色相端嚴八見者歡喜九富貴上族自在生天十速證圓寂如是功德施佛幢幡獲如斯報若復有人於如來塔以衣布施獲十二種殊妙功德何等為十二一身體臍直二見者歡喜三福相光潤四色相微妙五色形無比六身無塵垢七衣服鮮潔八卧具細軟九得大自在十命終生天十一見皆愛敬十二速證圓寂如是功德施佛衣服獲如斯報若復有人於如來塔施花供養功德有十何等為十一色相如花二世間無比三鼻根不壞四身離臭穢五妙香清淨六往生十方淨土見佛七戒

分別善惡報應經卷下

第六張

鍾

香芬馥八世間愍重得大法樂九生天自在十速證圓寂如是功德以花供養佛舍利塔獲如斯果若復有人以曼陀羅花如來之塔獲十種功德云何十種一色妙如瓊二身離臭穢三形體清淨四生十方佛土五戒香芬馥六恒聞妙香七眷屬圓滿八諸根適悅九生天自在十速證涅槃如是功德於如來塔施曼陀羅供養獲如斯報若復有人施燈供養佛舍利塔獲十功德云何十種一肉眼清淨二獲淨天眼三離於三毒四得諸善法五聰明智慧六遠離愚癡七不墮黑闇八塗八尊貴自在九往生諸天十速證圓寂如是功德施燈供養佛舍利塔獲斯勝報若復有人施塗香供養如來之塔獲十功德云何十種一鼻根清淨二身離臭穢三身妙香潔四形相端嚴五世間恭敬六樂法多聞七尊貴自在八聲譽遐布九命終生天十速證圓寂如是功德布施塗香供養如來舍利之塔獲斯勝報若復有人以妙音樂供養佛塔獲於十

分別善惡報應經卷下

第七張

鍾

種勝妙功德何等為十一身相端嚴
二見者歡喜三音聲微妙四言辭和
順五肢體適悅六離瞋恚七慶喜多
聞八崇貴自在九命終生天十速證
圓寂如是功德以妙音樂供養佛塔
獲如斯報若復有人於如來塔歡喜
讚歎獲十八種勝妙功德云何十八
一種族尊高二形相端嚴三圓滿
直四見聞歡喜五資財無量六眷屬
廣大七遠離散壞八尊貴自在九恒
生佛土十聲譽遐布十一美德讚頌
十二四事豐足十三天人供養十四
得轉輪王十五壽命延長十六體堅
金剛十七命終生天十八速證圓寂
如是功德歡喜讚歎佛舍利塔獲斯
勝報若復有人施佛牀座獲十種功
德何等為十一德業尊重二世間稱
讚三肢節多力四名稱遠聞五德美
歌頌六安和適悅七獲轉輪王座僕
從衆多八見者歡喜九生天自在福
相具足十速證圓寂如是功德施佛
牀座獲斯勝報若復有人布施鞋履
供養僧佛功德有十六何十種一威

儀師範二象馬無關三行道勇健四
身無疲乏五足步無損六離荆棘沙
礫七獲神足通八僕從衆多九生天
自在十速證圓寂如是功德鞋履布
施佛比丘等獲如斯報若復有人以
鉢器什物施佛及僧功德有十六何
十種一形色光潤二器物具足隨意
受用三離諸飢渴四珍寶豐足五遠
離惡趣六人天歡喜七福相圓滿八
尊貴自在九恒生諸天十速證圓寂
如是功德布施器物獲如斯報若復
有人齋食供養佛及衆僧功德有十
云何為十一壽命延長二形色圓滿
三肢節多力四記憶不忘五智慧辯
才六衆親歡喜七豐足珍寶八天
自在九命終生天十速證圓寂如是
十種勝妙功德施佛及僧齋食供養
獲如斯果若復有人以象馬車乘施
佛及僧功德有十六何為十一足相
柔軟二威儀無缺三身離疲乏四安
樂無病五冤家遠離六神足自在七
僕從衆多八人天福相見皆歡喜九
命終生天十速證圓寂如是功德以

車乘象馬施佛及僧獲如斯報若復
有人修嚴房室屋宇殿堂施佛及僧
功德衆多行相云何恒離驚怖身心
安樂所得卧具細軟最妙衣服嚴身
香潔清淨人間天上五欲自在剎帝
利婆羅門大姓種族及長者居士宰
官商主聚落城邑國王大臣隨願滿
足皆悉成就若於轉輪聖王隨其福
力一洲二洲乃至四洲王化自在若
於六欲諸天四王忉利乃至他化自
在願皆成就隨意生彼若復有人由
前福力於色界諸天梵衆梵輔乃至
色究竟天皆悉成就隨願生彼若復
有人於無色界空無邊處乃至非想
非非想處皆悉成就若於預洩一來
不還阿羅漢果緣覺乃至無上菩提
隨其所應皆得成就如是功德差別
無量因修房室殿堂樓閣施佛及僧
獲如斯報若復有人以美飲湯藥施
佛及僧獲十種功德云何十種一諸
根圓滿二清淨鮮潔三額廣平正四
容白熙怡五形色光潤六福德圓滿
七離飢渴八遠離三惡九生天自在

十速證圓寂如是功德施佛及僧美
飲湯藥獲如是報若復有人歸佛出
家功德有十云何為十一遠離妻室
二欲不貪三愛樂寂靜四諸佛歡
喜五遠離邪魔六近佛聽法七遠離
三惡八諸天愛敬九命終生天十速
證圓寂如是十種功德歸佛出家獲
如斯報若有比丘在林野中寂靜而
居有十種功德云何為十一遠離閑
闌二清淨香潔三禪定成就四諸佛
愛念五離中天六多聞摠持七成就
舍摩他尾鈴舍那八煩惱不起九命
終生天十速證圓寂如是功德林野
中住比丘修行獲如斯報若有比丘
持鉢乞食有十種功德云何十種一
威儀無缺二成熟有情三遠離慢心
四不貪名利五福田周普六諸佛歡
悅七紹隆三寶八梵行圓滿捨下劣
意九命終生天十究竟圓寂如是功
德若常持鉢乞食所獲若有比丘持
鉢乞食遠離十種黑闇始獲如是十
種功德云何十種一了知出入聚落
有益無益二了知族姓行時有益無

益三了知說法有益無益四了知親
近阿闍梨和尚有益無益五了知慈
心化利眾生有益無益六了知親近
遠離有益無益七了知習學戒定慧
三有益無益八了知擅信施衣有益
無益九了知持鉢里巷之中有益無
益十了知受用卧具湯藥乃至命終
已來有益無益如此了知獲如是等
十種勝報今時佛告輪迦長者子言
業因業生業因業滅業有前後引滿
差別報乃高低愚智懸隔說此法時
於是輪迦長者白佛言世尊此舍衛
國鳩播塞迦族姓之中及餘一切刹
帝利婆羅門等族姓之中聞皆歡喜
憶念受持我等眷屬皆悉受樂長夜
安樂利益自他無有窮盡佛言善哉
善哉輪迦長者如汝所說
今時世尊說是語已梵你野子輪迦
長者及諸梵無量百千人非人等
歡喜踊躍禮佛而退

分別善惡報應經卷下

乙巳歲高麗國大藏都監奉
勅雕造

佛說大乘善見變化文殊師利問法經 鍾

如是我聞一時世尊在王舍城鷲峯
山中與大比丘眾并大菩薩文殊師
利等大眾圍遶今時佛告文殊師利
童子言佛子我今為諸眾生於四聖
諦心生顛倒恒處輪迴不能免離說
此真實四聖諦法文殊師利白佛言
世尊如來應正等覺云何因緣而諸
眾生不能遠離如是虛妄輪迴之中
不覺不知佛言文殊師利我見眾生
受如是虛妄輪迴何以故善男子皆
因無始已來妄生計執分別彼我文
殊師利以是因緣受此愚癡業報虛
妄輪迴何以故是諸愚癡眾生不聞
不知最上一切寂靜法故不自思惟
警悟三業恣身口意造眾煩惱我貪
我瞋我癡等我今於彼如來法中得
此出家受清淨戒修持淨行遠離輪
迴得涅槃道解脫苦輪復自思惟此
煩惱性即善法故即有漏法故即無
漏法故即輪迴法故即世間即出世
間即智即斷除法即決定法即觀法